

## A 1826/välfärd

**Flytjandi** Flokkahópur miðjumanna  
**Afgreiðsla** Norræna velferðarnefndin

**Þingmannatillaga um að norræni hjúskaparsamningurinn nái til samkynja hjónabanda****Tillaga**

Flokkahópur miðjumanna leggur til að

Norðurlandaráð beini þeim tilmælum til ríkisstjórna Norðurlanda

að þær breyti norræna hjúskaparsamningnum með þeim hætti að hann geti einnig átt við þegar könnun hjónavígsluskilyrða tekur til samkynja para

**Bakgrunnur**

Þegar könnun hjónavígsluskilyrða fer fram í Svíþjóð vegna ríkisborgara í norrænu landi gilda ákvæði reglugerðar (1931:429) um alþjóðleg einkamálaréttarákvæði um hjúskap, ættleiðingu og lögráð (NÄF) ef umsækjendur eru karl og kona. NÄF leggur í meginatriðum orðrétt út frá hinum samnorræna hjúskaparsamningi sem hefur meðal annars að geyma reglur um dómsvald, viðurkenningu og lagaval í málum er varða hjúskap.

Vottorð um könnun hjónavígsluskilyrða frá yfirvöldum í einhverju norrænu landanna hefur gildi fyrir vígslu hjá sænskum vígslumanni. Sömuleiðis gildir sænskt vottorð um könnun hjónavígsluskilyrða fyrir vígslu hjá dönskum, finnskum, íslenskum eða norskum vígslumanni. Vottorðin gilda hvort sem umsækjandi er norrænn ríkisborgari eða ekki. Til þess að vottorðið gildi má gildistími þess ekki vera liðinn samkvæmt reglum þess lands sem könnun hjónavígsluskilyrða fór fram í (sbr. 2. gr. NÄF).



Eins og er á NÄF þó aðeins við ef könnun hjónavígsluskilyrða á við um hjúskap á milli karls og konu. Reglugerðin á því ekki við þegar um er að ræða könnun vígsluskilyrða fyrir samkynja pör (sbr. 23. gr. NÄF).

Þar sem öll norrænu löndin viðurkenna vígslu samkynja para er ástæða til að Norðurlandaráð mælist til þess af ríkisstjórnnum Norðurlanda að norræna hjúskaparsamningnum verði breytt þannig að hann hafi einnig að geyma reglur um samkynja hjónabönd.

Stokkhólmi, 28. október 2019

Anna Kolbrún Árnadóttir (Mifl)	Ketil Kjenseth (V)
Arman Teimouri (L)	Kjell-Arne Ottosson (KD)
Åslaug Sem-Jacobsen (Sp)	Linda Ylivainio (C)
Bertel Haarder (V)	Magnus Ek (C)
Britt Lundberg (ÅC)	Mikael Staffas (Lib)
Edmund Joensen (sb)	Mikko Kärnä (cent)
Grunde Almeland (V)	Mikko Kinnunen (cent)
Guðmundur Ingi Kristinsson (Flf)	Nils Sjøberg (RV)
Heli Järvinen (grænum)	Outi Alanko Kahiluoto (grænum)
Janine Alm Ericsson (MP)	Rebecka Le Moine (MP)
Jaspur Langgaard (sb)	Silja Dögg Gunnarsdóttir (Frfl)
Joakim Strand (sv)	Torhild Bransdal (Krf)
Jouni Ovaska (cent)	